



Achomhairc maidir le díbirt nó fionraí do thréimhse nó tréimhsí nach lú ná 20 lá scoile i scoilbhliain

Ceisteanna Coitianta

1. An féidir liom achomharc a dhéanamh má díbríodh mo leanbh ón scoil?

Is féidir, le halt 29 den Acht Oideachais, 1998 tá foráil d'achomharc i gcás go ndíbríonn an bord bainistíochta, nó duine atá ag gníomhú thar ceann an bhoird bainistíochta (Príomhoide na scoile de ghnáth) scoláire on scoil.

Chun achomharc a dhéanamh caithfidh tú an fhoirm iarratais achomhairc ar Dhíbirt nó Fionraí a chomhlánú.

Tá foirmeacha iarratais achomhairc ar fáil anseo.

2. An féidir liom achomharc a dhéanamh má cuireadh mo leanbh ar fionraí ón scoil?

Tá foráil in alt 29 den Acht Oideachais, 1998 d'achomharc i gcás go ndearna an bord bainistíochta, nó duine atá ag gníomhú thar ceann an bhoird bainistíochta (Príomhoide na scoile de ghnáth) scoláire a chur ar fionraí do thréimhse nó do thréimhsí nach lú ná 20 lá san iomlán i scoilbhliain.

Ní féidir achomharc a dhéanamh má tá an tréimhse nó na tréimhsí don fhionraí níos lú ná 20 lá san iomlán i scoilbhliain.

Chun achomharc a dhéanamh caithfidh tú an fhoirm iarratais achomhairc ar Dhíbirt nó Fionraí a chomhlánú.

Tá foirmeacha iarratais achomhairc ar fáil anseo.

3. Cathain a dhéanaim achomharc?

Más mian leat achomharc a dhéanamh, caithfear é sin a dhéanamh i scríbhinn laistigh de 42 lá féilire ó dháta chinneadh an bhoird bhainistíochta.

4. Conas mar a dhéanaim achomharc?



Caithfidh tú foirm achomhairc, atá ar fáil ar láithreán gréasáin na Roinne Oideachais ag an nasc seo a leanas, a chomhlánú. Caithfear iad seo a leanas a chur isteach le d'fhoirm iarratais chomhlánaithe:

Cóip de chinneadh an bhoird bhainistíochta ag deimhniú díbirt/fionraí.

Déanfaidh Aonad Riaracháin Achomhairc Alt 29 aon soiléiriú nó aon eolas eile is gá a éileamh ón iarratasóir.

5. Cad é an próiseas a bhaineann le hachomharc?

Nuair a bhíonn d'fhoirm iarratais agus na doiciméid ábhartha faighte, déanfaidh aonad riaracháin achomhairc alt 29 teagmháil leat le dáta don éisteacht. De ghnáth beidh sé seo laistigh de 21 lá féilire ón dáta a fhaightear an fhoirm iarratais achomhairc lán-chomhlánaithe. Cuirfear fógra freisin chuig an scoil atá i gceist ag cur in iúl dóibh faoin achomharc agus dáta na héisteachta. Iarrfar ar an dá pháirtí san achomharc (an t-achomharcóir agus an scoil) aon eolas breise a d'fhéadfadh a bheith ábhartha don achomharc a chur isteach, lena n-áirítear ainmneacha na ndaoine a fhreastalóidh ar an achomharc, faoi dháta a bheidh luaite, de ghnáth 12 lá roimh an éisteacht.

Déanfar aon eolas a fhaightear a roinnt le dhá pháirtí an achomhairc agus leis an gcoiste éisteachta 3 dhuine, ar a laghad 3 lá sula dtarlaíonn an éisteacht.

6. Cé a dhéanfaidh m'achomharc ar alt 29 a éisteacht?

Ceapann an tAire Oideachais agus Scileanna baill an choiste achomhairc ach tá an coiste achomhairc neamhspleách ar an Roinn Oideachais & Scileanna.

Cuimsíonn painéal na gceapaithe daoine le taithí agus eolas ar earnáil an oideachais.

7. Ce hiad na daoine a bhfuil cead acu freastal ar éisteacht achomhairc?

Féadfaidh na tuismitheoirí agus an scoláire, má tá an scoláire os cionn 18 mbliana d'aois, freastal ar an éisteacht. Féadfaidh beirt bhall den bhord bainistíochta freastal thar ceann na scoile, nó ball amháin den bhord bainistíochta agus príomhoide na scoile. Ina theannta sin, is féidir le beirt eile a bheith in éineacht le gach páirtí ag an éisteacht. Féadfaidh an Oifigeach Leasa Oideachais agus an Eagraí Riachtanas Oideachais Speisialta a bheith i láthair freisin. Ní féidir le haon duine a bheidh in éineacht le ceachtar páirtí san achomharc ráitis a dhéanamh ag an éisteacht mura dtugann coiste achomhairc alt 29 cead dóibh a leithéid a dhéanamh.



Mar aon leis sin, féadfaidh coiste achomhairc alt 29 cuireadh a thabhairt do dhaoine a bhfuil an saineolas ábhartha acu freastal agus ráitis a dhéanamh ag an éisteacht.

Cuirfear ainmneacha na ndaoine a bheidh i láthair ag an éisteacht in iúl do gach páirtí roimh an éisteacht.

8. Cén leagan amach a bheidh ar an éisteacht achomhairc?

Osclóidh Cathaoirleach an choiste achomhairc an éisteacht achomhairc trí na daoine a bheidh i láthair a chur in aithne agus cur síos a dhéanamh ar an ord inar féidir le gach páirtí san achomharc a c(h)ás a chur i láthair.

Beidh cead ag an dá pháirtí san achomharc a gcás a chur i láthair agus beidh ceart freagartha acu maidir leis an ábhar atá faoi achomharc.

Féadfaidh baill choiste achomhairc alt 29 an dá pháirtí san achomharc agus aon lucht freastail eile ag an éisteacht a cheistiú.

Féadfaidh an tOifigeach Leasa Oideachais agus/nó an Eagraí Riachtanas Oideachais Speisialta aighneachtaí a dhéanamh ag an éisteacht freisin.

Déantar éisteachtaí a reachtáil lena laghad foirmiúlachta agus is féidir ach comhréireach le héisteacht chóir a thabhairt do gach páirtí san achomharc.

Nuair a bhíonn an éisteacht thart, déanfaidh an coiste achomhairc an t-achomharc a mheas agus a chinneadh agus cuirfear an tAire ar an eolas faoina réamhchinneadh ar an achomharc atá i gceist agus na cúiseanna a bhaineann leis an gcinneadh sin. Déanfar an réamhchinneadh sin agus na cúiseanna a chur in iúl don dá pháirtí san achomharc, agus don Ghníomhaireacht Leanaí agus Teaghlaigh agus don Chomhairle Náisiúnta um Oideachas Speisialta, má chuir na gníomhaireachtaí sin aighneachtaí faoi bhráid na héisteachta.

Beidh deis ag gach páirtí tuairimí a léiriú ar an réamhchinneadh agus caithfear é sin a dhéanamh i scríbhinn laistigh de 7 lá féilire ó dháta an réamhchinnidh.

Cuirfear aon tuairimí a bhíonn faighte laistigh den tréimhse 7 lá ar aghaidh chuig an gcoiste achomhairc agus ansin déanfaidh an coiste a chinneadh deiridh ar an achomharc.

Cuirfear an cinneadh deiridh in iúl don Aire agus cuirfear é ansin chuig dhá pháirt an achomhairc.



9. Cad is féidir le coiste achomhairc a chur san áireamh nuair a bhíonn Achomharc á dhéanamh maidir le díbirt/fionraí?

- Éilíonn Acht 1998 go gcaithfidh coiste achomhairc iad seo a chur san áireamh
 - Cineál, scála agus leanúnachas aon iompar a líomhnaítear a d'eascair as, nó a chur le, cinneadh an bhoird, agus cibé an bhfuil nó nach bhfuil iompar dá leithéid teoranta do ranganna ar leith sa scoil atá i gceist
 - Fiúntas aon mhínithe a thugann an scoláire maidir lena (h)iompar
 - Réasúnacht aon iarrachtaí a rinne an scoil le cur ar chumas an scoláire páirt a ghlacadh san oideachas agus leas a bhaint as agus má tá gach iarracht réasúnach ídithe in aon fhreagairt ón scoláire ar aon iarrachtaí a rinne an scoil le cur ar chumas an scoláire páirt a ghlacadh agus tairbhe a fháil ón oideachas
 - Leasanna oideachais an scoláire atá i gceist agus a inmhianaithe is atá sé a chur ar a c(h)umas páirt a ghlacadh san oideachas, agus leas a bhaint as an oideachas, lena p(h)iaráí,
 - Leasanna oideachasúla, agus soláthar éifeachtach oideachais do scoláirí eile na scoile agus timpeallacht seomra ranga agus scoile a chothabháil a thacaíonn leis an bhfoghlaim i measc scoláirí uile na scoile agus a dheimhníonn leanúnachas na dteagasc a sholáthraítear do scoláirí
 - Aon fhianaise go raibh tionchar ag iompar an scoláire ar shábháilteacht, ar shláinte agus ar leas múinteoirí, baill foirne nó scoláirí eile na scoile
 - Cód iompair na scoile faoi alt 29 d'Acht 2000 mar aon le haon pholasaithe scoile ábhartha eile, agus
 - (i) i gcás an chóid iompair, cibé an gcomhlíonann sé alt 23 den Acht 2000 agus aon treoirínite a eisíodh faoi fho-alt (3) den alt sin (Cód Iompair a Fhorbairt: Treoirínite i gcomhair Scoileanna - https://www.tusla.ie/uploads/content/guidelines_school_cod_es_gae.pdf)
- agus
 - (ii) i gcás aon bheartais ábhartha eile, a mhéid a chuirtear gach ceann acu i bhfeidhm agus atá i gcomhlíonadh le
 - aon achtacháin a chuir dualgais ar scoileanna nó a mbord,
 - aon treoirínite nó beartas ábhartha de chuid an Aire
- Na dualgais a fhorchuirtear ar scoileanna nó a mbord ag nó aon achtachán,
- Aon treoirínite atá eisithe ag an Gníomhaireacht Leanaí agus Teaghligh faoi alt 22(7) den Acht Oideachais 2000
- Aon aighneachtaí a dhéanann An Chomhairle Náisiúnta um Oideachas Speisialta agus/nó an Gníomhaireacht Leanaí agus Teaghligh, agus
- Cibé nithe eile a mheasann an coiste achomhairc a bheith ábhartha

10. Cé na torthaí a d'fhéadfadh teacht ón achomharc?



Déanfaidh an coiste achomhairc cinneadh

- (a) an t-achomharc a cheadú nó
- (b) gan an t-achomharc a cheadú.

Má cheadaíonn an coiste an t-achomharc, treoróidh sé don bhord bainistíochta an scoláire a athlígean isteach agus an díbirt a bhaint de thaifead an scoláire (cás díbeartha) nó an scoláire a athlígean isteach agus an fionraí a bhaint de thaifead an scoláire (cás fionraí).

Cuirfear toradh an achomhairc, lena n-áirítear na cúiseanna a bhaineann le cinneadh an choiste achomhairc, in iúl do dhá pháirtí an achomhairc, a luaithe is féidir tar éis na héisteachta achomhairc. Cuirfear cóip den chinneadh chuig an Gníomhaireacht Leanaf agus Teaghlaigh freisin.

11. Cad a tharlaíonn mura gceadaítear m'achomharc?

Is é Seirbhísí Tacaíochta Oideachais Tusla (TESS) an comhlacht dlí a chabhraíonn le tuismitheoirí a bhfuil deacrachtaí acu áit scoile a fháil dá leanbh. Is féidir sonraí faoi d'oifig réigiúnach áitiúil a fháil ag <https://www.tusla.ie/tess/get-in-touch/>

Ceisteanna ginearálta maidir le cead isteach agus an próiseas achomhairc

12. Conas mar is féidir liom eolas a fháil faoi bheartas agus faoi phróisis iontrála na scoile?

In Alt 63 den Acht Oideachais 1998, ceanglaítear ar gach bord bainistíochta Fógra Ligean Isteach a ullmhú agus a fhoilsiú gach bliain. Caithfear an fógra seo a fhoilsiú ar láithreán gréasáin na scoile ar a laghad seachtain sula dtosaíonn an scoil a próiseas iontrála bliantúil.

Tá Ceisteanna Coitianta breise maidir leis an Acht um Oideachas (Ligean isteach i Scoileanna) 2018 ar fáil ar láithreán gréasáin na Roinne ag an nasc seo a leanas <https://www.education.ie/ga/Tuismitheoir%C3%AD/Eolas/Roll%C3%BA-Scoile/Ligean-isteach-CC.pdf>

13. An féidir liom m'achomharc a tharraingt siar?

Sea, is féidir leat d'achomharc a tharraingt siar am ar bith le linn an phróisis trí ríomhphost a chur chuig section29@education.gov.ie